



Dokazi: Policija je, osim narkotika i oružja, izuzela i brojne druge dokaze, koji će poslužiti kao dokazni materijal pred sudom

Dragan SLADOJEVIC

ZENICA - U akciji, sprovedenoj juče na više lokacija na području Zeničko-dobojskog kantona, policiji u ruke "palo" je šest dilera, koji su kod sebe krili značajne količine droge, ali i dva pištolja.

Policija je, osim narkotika i oružja, izuzela i brojne druge dokaze, koji će poslužiti kao dokazni materijal pred sudom.

Dileri su s lisicama na rukama završili u sklopu akcije kodnog naziva "Zenit", koju su zajedno realizovali policajci Državne agencije za istrage i zaštitu (SIPA) i MUP-a ZDK, a pretreseno je osam lokacija.

Istaga protiv osumnjičenih koji su juče pohapšeni, kako saznajemo, počela je znatno ranije i rezultirala je nedavnom zapljenom droge u Hrvatskoj i Austriji, a riječ je o narkoticima koji se povezuju upravo sa ovom grupom.

"Slobode su lišene osobe I.G., E.G., A.S., S.B., J.I. i E.S., zbog postojanja osnova sumnje



Dileri sprovedeni u službene prostorije SIPA
FOTO NN

U akciji SIPA i MUP-a ZDK, kodnog naziva "Zenit", uhapšeno šest osoba

Kod dilera našli drogu i pištolje

da su počinile krivično djelo organizirani kriminal u vezi sa krivičnim djelom nedozvoljeni promet opojnim drogama", saopštila je Kristina Jozić, policijski službenik SIPA.

Akcija je, kako je potvrđeno, realizovana po naredbama Tužilaštva BiH i Suda BiH, a u pretresima je, između ostalog,

pronađeno i oduzeto oko 600 grama spida, kao i smjese za miksiranje droge.

"Pronađena je i manja količina skanka, te četiri precizne di-

gitalne vage, dva pištolja sa šest okvira, 91 komad pištoljske municije, više mobilnih telefona i SIM kartica i drugi predmeti koji mogu da posluže kao dokaz

u daljem postupku", ističu izvori upućeni u istragu.

Inače, juče sprovedena akcija "Zenit" nastavak je operativne akcije suzbijanja međunarodne trgovine drogom, u okviru koje je ranije policija iz Hrvatske zaplijenila 3,2 kilograma spida i sedam kilograma smjese za miksiranje, a ta droga krijumčarena je iz Holandije prema BiH.

ZAPLJENA Akcija je međunarodnog karaktera i ranije je u Hrvatskoj zaplijenjeno 3,2 kg spida

"Zenit" je ranije rezultirao i pronalaskom oko 300 grama skanka u Austriji, a koji je u tu zemlju krijumčaren iz BiH. Za šverc tih narkotika, kako je potvrđeno "Nezavisnim", odgovorni su upravo dileri koji su pohapšeni juče.

"Osobe lišene slobode privedene su u službene prostorije Državne agencije za istrage i zaštitu, gdje će nad njima biti izvršena kriminalistička obrada, nakon čega će u zakonskom roku, uz izvještaj o počinjenom krivičnom djelu i izvješćima, biti predate na dalje postupanje Tužilaštvu BiH", naglasila je Jozićeva.